



**HKBP Yogyakarta**  
**ACARA IBADAH**  
**Pukul 09:00 & 11:00 Bahasa Batak**  
**MINGGU III DUNG TRINITATIS, 03 Juli 2022**

---

00 TANGIANG NA HOHOM BE 811

01 BE 581:1-3  
SANGAP DI JAHOWA

1

Sangap di Jahowa na sun timbul i,  
balga ni holongNa ndang tarasam i.  
Dilehon AnakNa na sasada i,  
manobus hita jolma pardosa i.  
Puji ma Debata ale manisia,  
las roham, las roham, somba ma Debata.  
Dapothon Jahowa na sun timbul i,  
marhite AnakNa Tuhan Jesus i.

2

Tung so hasahatan do basaNa i,  
marhite AnakNa ni lehonna i.  
MudarNa durus do di hau silang i,  
rara pe dosanta ias dibaen i.  
Puji ma Debata ale manisia,  
las roham, las roham, somba ma Debata.  
Dapothon Jahowa na sun timbul i,  
marhite AnakNa Tuhan Jesus i.  
...Jongjong di ayat 3...

3

Balga situtu pambaenMi Debata,  
tung so hasahatan holong ni rohaM.  
Tu jolma pardosa asi do rohaM,  
di ungap Ho dalan lao tu banuaM.  
Puji ma Debata ale manisia,  
las roham, las roham, somba ma Debata.  
Dapothon Jahowa na sun timbul i,  
marhite AnakNa Tuhan Jesus i.

02 Votum-Introitus-Martangiang:

03 BE 123:1+3

ALE DONGAN NA SAROHA

1

Ale dongan na saroha, manjalahi dame i  
Dompok Jesus tapasada, holong ni rohanta i  
Ai Ibana do ulunta, hita do ruasNa i.  
Tuhan Jesus do gurunta, hita siseanNa i.

3

Sai pasada ale Tuhan, angka na porsea i  
Asa masihaholongan, songon na pinatikMi  
Dibagasan hasintongan, i do pinangidoMi  
Sai padomu angka dongan, na tutu sinondangMi

04 PATIK: Mateus 22:36-40

05 BE 688:1+3

TUHAN

1

Tuhan jotjot do marsak donganki,  
ala na sala pambahenahi.  
Hatanku, langka nang parulanhi;  
jora ma au.  
...Jongjong di ayat 3...

3

Nuaeng na ro do au sumomba Ho,  
pasahat ngolungki Tuhan tu Ho.  
Tuhan lehon ma roha na holong;  
urupi au.

06 MANOPOTI DOSA:

07 BE 435:1+3

MAROLOPOLOP TONDI

1

Marolopolop tondingki ai naung di tobus Jesus i.  
Hamu sude, bege ma i, sai las rohangku mandok i  
Sonang ni tingki i, dung jumpang Jesus Tuhanki!  
Tondi na mangajari au, tarbaen marlas ni ro ha au!  
Sonang ni tingki i, dung jumpang Jesus Tuhanki.

3

Tu Jesus sahat ngolungki saleleng ni lelengna i.  
Rap dohot au endehon ma, endengku na imbaru da.  
Sonang ni tingki i, dung jumpang Jesus Tuhanki!  
Tondi na mangajari au, tarbaen marlas ni ro ha au!  
Sonang ni tingki i, dung jumpang Jesus Tuhanki.

08 EPISTEL:

Psalmen 66:1-9

66:1 Marolopolop tu Debata ma, ale sandok tano on!

66:2 Endehon hamu ma hamuliaon ni goarna, marmulia bahen hamu  
pujipujianna!

66:3 Dok hamu ma mandok Debata: Tung na songkal do angka  
pambahenanmu! Binahen ni hinatimbul ni gogom ingkon marsomba tu Ho  
angka musum.

66:4 Ingkon liat portibi on tahe marsomba tu Ho sogot, jala mangendehon Ho,  
mangendehon goarmu. Sela!

66:5 Ro be ma hamu marnida angka pambahenan ni Debata, tung na songkal  
do pangarajaionna di manisias.

66:6 Nunga dipauba Ibana laut i gabe mahiang, mardalan pat do nasida  
manaripari batang aek i, marlas ni roha do hita uju i mida Ibana.

66:7 Matua Ibana mangarajai marhitehite hagogoonna i, sai mangaranapi  
matana tu angka bangso, asa unang dipaginjang angka panggunturi dirina.  
Sela!

66:8 Puji ma Debatanami, hamu ale angka bangso, jala patubegehon hamu ma  
soara pujipujianna!

66:9 Ibana mambahen hosanta mangolu, jala ndang diloas totta tarsulandit.

09 BE 785:1-2

ALO PANGUNJUNAN

1

Alo pangunjunan sai benget ma ho,  
Ai molo dung monang lam togu ma ho,  
Angka hajahaton sai patunduk ma,  
Jesus pangasahon ingkon monang ho.  
Jalo pangurupion sian Tuhanta Jesus,  
Dapot ho hagogoon mandopang musu i.  
...Jongjong di ayat 2...

2

Sai tundalhon dosa sai burju ma ho,

Unang si insahan di parange ho,  
Anak hatiuron baen tiruan ho.  
Jesus pangasahon ingkon monang ho.  
Jalo pangasahon ingkon monang ho.  
Jalo pangurupion d.u.

10 MANGHATINDANGHON HAPORSEON

11 KOOR/VG :

12 TINGTING:

13 BE 470:1-2

JESUS HO NAMPUNA AU

1

Jesus Ho nampuna au, dohot na adong di au.  
Gogo dohot hosangki, sahat ma tu tanganMi.

2

Sai rajai ma matangki, manangkasi dalamMi.  
Sai patinggil pinggolhi, tumangihon hataMi.

14 JAMITA:

Galatia 6:1-10

6:1 Ale angka dongan, molo tung tarsomong jolma mardosa, hamu angka naung taruli di Tondi ma patureturehon ibana marhitehite tondi na lambok; alai matahon dirim, so tung dohot ho tarunjun!

6:2 Masiurupan ma hamu mamorsan angka na dokdok i; i ma dalam mangaradoti patik ni Kristus.

6:3 Ai molo dipaburnang halak dirina, hape so adong di ibana, sipaotooto diri do i.

6:4 Alai ganup ma manangkasi ulaonna be; dung i tu ibana sandiri ma pujipujian, ndada maradophon na asing.

6:5 Alai adong di ganup siporsanonna be!

6:6 Alai na mamodahon hata ni Debata, tama do taruli di nasa parsaulian ni na pinodaanna i.

6:7 Unang hamu lilu; ndang olo Debata leaan! Ai ia i disabur halak, i do gotilonna!

6:8 Ai na manabur tu dagingna, manggotil do sian dagingna hamagoan; alai na manabur tu tondi, manggotil do sian tondi i hangoluan salelenglelengna!

6:9 Alai unang marnaloja hita mambahen na denggan, ai na manggotil do hita muse di tingkina i, anggo so pargale hita nuaeng.

6:10 Antong, binsan sadihari dope, taulahon ma na denggan di saluhut halak,  
alai gumodang ma tu donganta sahaporseon!

- 15 Ayat Pelean: *Mazmur/Psalmen/Psalms 50:14 TEV*  
Pelehon ma tu Debata hamauliateon, jala garari ma angka bagabagami tu  
Natumimbul
- 16 BE 716:1--- (Persembahan IA, IB, dan II)  
DI NA MAMOLUS SANDOK NGOLU ON  
1  
Di na mamolus sandok ngoluon, gok do na marsak gale.  
Boan sinondang tu na holom i, asa margogo muse.  
Bahen ma ahu parhiteanMu pasupasumu mabaor ma i.  
Ale Tuhan hu patupa ma au baen pasupasumu tu dongan sude.  
2  
Sai baritahon Jesus na burju, tuk manesa dosa i.  
Asa porsea di Jesus tutu, denggan pambanmu disi.  
Bahen ma ahu parhiteanMu pasupasumu mabaor ma i.  
Ale Tuhan hu patupa ma au baen pasupasumu tu dongan sude.  
3  
Ula na denggan tu halak sude, songon binaenNa tu ho.  
Ingot, urupi luhut na gale, gabe parholong ma ho.  
Bahen ma ahu parhiteanMu pasupasumu mabaor ma i.  
Ale Tuhan hu patupa ma au baen pasupasumu tu dongan sude.
- 17 PANUTUP: Tangiang dohot Pasupasumu